

## My Seel, stimm y mit Singe

RG 98 / G.EmK 76, Du meine Seele, singe (CD Singet / Nr. 3)

Melodie: Johann Georg Ebeling 1666

Mundarttext: Alex Kurz



1. My Seel, stimm y mit Sin - ge, sing fröh - lech und sing schön.



Ver - trou, Gott chas voll - brin - ge, drum sing i hä - le Tön.



I bät - te Gott ir Hö - chi, hie uf der Ä - ren aa



u sue - che sy - ni Nee - chi, so - lang i ds Lä - be ha.

2. Dir Lüt, löt nech s la gseit sy und ghöret s nid für nüt,  
s git Wäge, wo schön breit sy und mänge geit se hüt.  
Verlöt nech nid uf d Mehrheit, uf Mönsche, Gäld u Gunsch,  
wüll das i Tat und Wahrheit nid meh isch als e Dunsch.

3. Wohl allne, wo druf boue, dass Gott zu jeder Zyt,  
we mir uf ihn vertroue, üs nüt als ds Beschte git.  
Wär ihm ghört, wird erfahre: Mit ihm wird ds Läbe rych.  
Wär ihn het, dä het ds Wahre; alls andere isch glych.

4. Gott dänkt i syre Tröii a d Mönsche i der Not.  
Är chunnt ne z Hilf, schänkt nöii Ermuetigung und wott,  
dass die, wo ds Leid het troffe, chöi gspüre: Är isch da!  
Der Himmel steit ne offe, är wird se nie verla.

5. I bi gwüss nid der Richtig, di z rüeme, wie sich s ghört.  
Du, Gott, allei bisch wichtig, i nid der Huffe wärt.  
Und glych, der Gloube seit mer: Ou mi hesch Du erwählt.  
Dys Lob z vermehre, steit mir wohl aa vor aller Wält.

6. Drum stimm mit y, i ds Singe, sing fröhlech und sing schön.  
S isch wahr: Gott cha s vollbringe, drum sing i hälle Tön.  
I bätte Gott ir Höchi vo ganzem Härze aa  
u sueche syni Neechi so lang i ds Läbe ha.

Gitarre mit Capo im 2. Bund



1. My Seel, stimm y mit Sin - ge, sing fröh - lech und sing schön.



Ver - trou, Gott cha s voll - brin - ge, drum sing i hä - le Tön.



I bät - te Gott ir Hö - chi, hie uf der Ä - ren aa



u sue - che sy - ni Nee - chi, so - lang i ds Lä - be ha.